

万国史记

一
函
八
册
函

俄羅斯記

俄羅斯跨於歐羅巴亞細亞二大洲其設部落營都邑皆在歐羅巴之東東至烏拉嶺與海西距波羅的海普魯士奧斯地亞南接黑海高加索北枕北海疆宇疆大甲於列邦居民種類不一人口稱六千九百八十萬古時土番稱斯拉窩尼國號薩爾馬西亞屬於匈奴各部互相吞噬數百年弱肉強食無復人理至紀元五百年間諸弗哥羅基輔二邑生齒滋息頗爲富實隣敵覬覦來侵不已八百六十二年諸弗哥羅民相議迎祿利哥爲王寔清和天皇貞觀四年也祿利克爲諸爾曼民族魯西酋長初居瑞典至是建國略定四隣制馭野蕃至其子亞力斯庫爾土八百八十二年亞力計取基輔之地執其酋長遷都基輔率師擊東羅馬許其請成未幾和破再發兵船二千圍其都勢頗張九百十三年王卒伊高立基輔人作亂討平之白基尼根人來寇沿海約息兵五年末年將舟師伐東羅馬敗績不屈復起舟師報之羅馬人遂請成尋徵資於得利夫里爲其所敗而死子斯非德刺夫立伊高如亞力高氏攝政得利夫里曾求婚佯許之陰遣兵襲都府滅之後亞力高氏如東羅馬受耶穌教而還九百五十六年王始親政自將征哥薩克滅之率舟師渡黑海東征弗爾加里克之基輔無備白基尼根人來圍將軍白里齒救之圍遂解再伐

俄國封建之始

王烏拉的米爾

教傳耶穌

王耶羅的刺夫

布爾加里分封三子是爲俄國封建之始。九百七十一年伐東羅馬進攻阿得蘭。敗績退師。九百七十二年東羅馬來伐。王師弗勝。請成班師。抵納白河水。涸不能渡。布爾加利人來襲。遂被害。耶羅巴卽位於基輔。九百七十七年得利夫里王亞力反。王親征之。亞力敗死。奴維格奴王烏拉的米爾懼。奔法蘭哥。明年以法蘭哥兵侵基輔。王將白羅得內應。城遂陷。王奔奴得尼。逃害烏拉的米爾卽位。收白羅得斬之。

九百八十八年王伐東羅馬。許其請成娶其王妹安邦。始傳耶穌教。初王事邪神。以人爲牲。至是希臘回。回拉丁。猶太諸教士來敷教。王會臣僚論諸教可否。遂奉希臘教。受洗禮。是日國人入希臘教者二萬人。毀邪神像。令民盡從耶穌教。違者殺無赦。白基尼根人入寇。圍西利夫城。王自將援之。敗績。後遂敗白基尼根於皮利歌魯。國勢大振。分國封十二子。一千十五年國中豪族所在崛起。不奉王命。王子耶羅斯刺夫據奴維格奴以叛。王往討之。卒于軍。長子斯非德北卽位於基輔。

一千十六年王子諸弗哥羅侯耶羅斯刺夫兵犯基輔。王奔波蘭。起兵又敗。耶羅斯刺夫遂取基輔。迎王復位。波蘭王恃勢橫恣。王懼其逼已。潛殺之。波蘭人怒。入寇大掠而歸。一千十九年耶羅斯刺夫又犯基輔。王出戰。遭害。耶羅斯刺夫卽位於基輔。分國之半。屬其弟末蘇得斯刺夫。設學校定律例。俄國版圖日大。一千五十四年病卒。子伊西斯刺夫卽位。兄弟相鬥。國分爲三。諸弗哥羅侯基輔最大。互相攻伐不已。諸弗哥羅遂併基輔。稱大俄。

諸侯欲得
基結爲王

王安得羅

諸侯欲得
基結爲王

蒙古來錢
事國降於
蒙古

國總管至國一千七百八十八年王卒弟維西否奴立一千九百十三年維西否奴卒伊爾斯
刺夫之子刺非阿德白立一千一百一十三年卒烏拉的米爾第二立一千一百二十五年
卒子密給爾第一立一千一百三十年卒子耶羅巴第二立諸侯相吞併國益分崩一千
一百三十八年王卒弟耶羅刺夫立位八日爲同姓諸侯維西否奴所篡自是諸侯
爭欲得基輔爲王一千一百四十七年王卒子伊西斯刺夫第二立一千一百五十四年
卒羅狄斯刺夫爲王尋伊西斯刺夫第三爲王二王皆同姓諸侯也明年摩奴麻古第四子
伊高嗣立一千一百五十七年卒子安得羅立

一千一百六十八年安得羅遷都烏拉的米爾征奴維格奴克之自餘侯國漸次削平議
廢封建諸侯聞之謀叛一千六百七十四年遂爲其下所弑弟維西否奴第三立列國交
爭王力弗能制一千二百十三年卒子伊高第二卽位國勢日替基輔爲波蘭所得

一千二百二十一年蒙古鐵木真兵始來寇一千二百三十七年大舉來伐陷烏拉的米
爾執王殺之初諸侯分爭各不相援至是皆降蒙古是歲蒙古立伊高子耶羅斯刺夫第

二爲王一千二百四十五年立王子亞歷山德納司該爲王一千二百六十二年立王弟

耶羅斯刺夫第三爲王一千二百七十年立王弟白色里第一爲王一千二百七十七年

立王弟狄米得里第一爲王一千二百九十四年立王弟太一里爲王一千三百二年立

王子伊高第三爲王一千三百五年遂王立耶羅斯刺夫第三之子密給爾第三爲王一

千三百二十年立王子白色里第二爲王。一千三百二十五年復立伊高第四爲王。一千三百二十八年立王弟宜萬第一爲王。一千三百四十年立王子色密恩爲王。一千三百五十年立王弟宜萬第二爲王。一千三百五十八年立王子狄米得里第二爲王。俄人以一千三百二十五年始都墨斯科。至宜萬第一疆宇漸廓。是爲彼得大帝之祖。至王狄米得里第二始叛元。盡驅蒙古兵。勢漸張。一千三百六十三年元師大至。陷墨斯科。王出降。一千三百八十九年卒。子白色里第三嗣立。一千三百九十五年帖木兒耶來攻。墨斯科。一千四百年又寇墨斯科。大掠而去。一千四百二十五年王卒。子白色里第四立。一千四百六十二年卒。子宜萬第三立。

先是蒙古國勢漸衰。而俄之裔稍振。尼尼諾弗哥羅墨斯科加森的威爾哥斯德羅諸侯勃興。宜萬王墨斯科勢最張。納京羅馬王海里祿古之女爲妃。一千四百六十四年敗蒙古人於加森。盡復故地。征諸侯伯。統轄國內。大營都城。建築殿閣。留心武事。勸獎耕牧。國人大悅。上尊號曰加撒猶言皇帝也。行加冕禮。大赦。一千四百七十六年始定獨立體裁。絕貢於蒙古。自是蒙古人在俄地者日漸衰。日耳曼荷蘭諸國始遣使來通款。伐瑞典。取其微城。始有人至東境烏拉山墾種荒地。五百五年王卒。後人呼曰大王。子白色里第五立。

是時加森蒙古人與克林傑爾兵寇墨斯科。與之行成。如是後後來侵擊退之。一千五

遣使日耳
曼求名儒
員工

始與土耳
其戰

王帖阿多
爾第一

祿利克朝
亡

百三十三年王卒子宜萬第四立南三歲權臣攝政國大亂始置新兵號曰射手一千五
百四十七年王始親政遣使日耳曼求名儒良工一千五百五十一年加森蒙古人復謀
亂王自率師平之命毀其城越三年底定裏海隣部蒙古之患始除一千五百五十四年
有英人航海來王召見嘉其材藝因始與英通商一千五百五十七年始以邑戶封大臣
匈牙利與波蘭合從來爭波羅的海濱之地閱一百六十四年方罷兵一千五百七十年
始與土耳其戰互有勝敗奴維格奴人謀叛附波蘭遣使討平之明年韃靼來侵王攻瑞
典不克明年取西伯利西部又明年瑞典波蘭連兵犯境一千五百七十九年波蘭大舉
來與瑞典失和退去一千五百八十二年王與波瑞二國和割來腓尼與波割加尼里及
英里阿與瑞蒙古復犯東境大將西里白力奴擊卻之一千五百八十五年王卒王性嚴
厲以峻法治下晚年益酷數臣民數萬羣下畏而從之亦有離畔者子帖阿多爾第一立
帖阿多爾第一納巴里果得奴之妹爲妃巴里果得奴專政國人紛爭凡十五年出師伐
瑞典尋與之盟還侵地一千五百九十八年巴里果得奴弑王自立祿利克朝亡狄米得
利以波蘭師入討巴里果得奴巴里果得奴兵敗仰藥死狄米得利遂卽位瑞士高倡亂
弑之僭王稱白色里第六狄米得里第三來爭立羣爲蒙古人所殺國人與波蘭謀逐瑞
士高致位于波蘭世子不受國中大亂然當時疆土未達波羅的海於歐洲諸國無甚關
係

波蘭國勢日強。率兵寇國境。侵各部不已。公族波日爾斯吉舉兵伐之。一千六百十三年。與國人議推祿利克之裔密給爾帖阿多爾微都爲王。以其屬最近也。是爲落馬腦朝。遣使聘瑞典。波蘭日耳曼諸國。尋與波人戰。波人請和。立約息兵。十四年。與瑞典盟。各易侵地。與各國人通商。定稅例。作經國書。盡有西伯利之地。國勢勃興。一千六百四十五年。王卒。子亞歷細斯嗣立。

亞歷細斯卽位之初。以馬羅師輔政。都城民作亂。執馬羅師殺之。并殲其黨。一千六百五十四年。西伯利戍兵始與中國構鬻。明年。附商人贈書中國。以通好。波人。瑞人。入寇。與波人盟。約息兵。三十六年。與瑞人盟。約息兵十年。各反侵地。一千六百六十九年。土耳其人寇邊。明年。與波蘭合兵。戰于可塞破之。尋遣使西班牙。法蘭西。更定律例。纂續經國書。一千六百七十六年。王卒。先是王娶貴紳女馬利生二男一女。男曰帖阿多爾。曰宜萬。女曰索希亞。後妃那答利生彼得。及王卒。帖阿多爾嗣位。求廷臣譖牒焚之。令官人不論世族。勸歐洲各國互相讎睦。未幾卒。宜萬孱弱。大族破約連等。議立彼得。使其母攝政。索希亞以爲不利。已陰嗾親兵拒之。親兵愠繼嗣議不下。已承其意。將作亂。諸大族不得已。立宜萬爲王。一千六百八十二年。索希亞彼得並攝政。將軍蘇文斯開謀叛。伏誅。與土耳其戰。彼得天姿英邁。自幼就學。通曉歷史。窮理。及製器諸科。最長兵略。先是居羅斯利旁邑。編一隊。使列福多訓督之。列福多者。瑞西人也。嘗習法蘭西。荷蘭語。四閱月而悉熟之。在二

國任軍職後從丁抹使臣至黑斯科爲秘書官尋爲將官彼得信而用之服裝器械行軍之制皆倣他國而彼得與兵卒入其隊起臥帳中同受其俸自嘗甘苦破約連子弟入其隊者漸多坐作進退莫不如意一千六百八十九年彼得聞索希亞圖已掩擊其黨殲之廢索希亞圖諸寺觀獨握全國威權而宜萬仍在位一千六百八十九年宜萬遂禪位于彼得彼得卽位首革兵制盡用英荷等法尋欲興海軍先是彼得郊遊見英船委沙洲嘉其製之精巧而欲効之詢招外國匠人多造大小船舶彼得幼時爲乳媼所抱熟睡聞瀑布聲驚覺仍患熱自是忌水殊甚雖涓流不敢近一日出獵侍臣導之至一小川彼得忽扣韁不進侍臣強之始得渡意如勝大軍自是痼癖頓息至奏偉業矣彼得謂國無沿海邑落則不能開互市興工業因本國濱白海亘寒荒涼難以通商欲拓地西南達波羅的海與黑海濱一千六百八十六年與土耳其開釁出師擊之不得志而歸一千六百九十年與中國勘定邊海通商於恰克圖立界牌於額爾古納河以雅克薩之地讓還中國明年以英人戈登爲將軍尋備土工兵于日耳曼復攻土國亞速城數年至一千六百九十六年卒拔之奪黑海鎖鑰始得與諸國通彼得乃遣門闕子弟于各國傳習諸術將親遊各國觀其文物制度會內亂起不果初彼得之革兵制也貴族皆咎之親兵亦恐其不利已欲作亂弑帝立太子亞歷細斯使索希亞攝政先是府下屢火彼得出救不待從騎叛黨因謀放火府下待其出乘間圖之而謀漏彼得乃捕其渠魁處刑餘皆赦之內難乃平

一千六百九十七年。擇國中少年三百人。遣意大利、荷蘭、日耳曼三國學諸術藝。傳習造船航海之法。翌年彼得微服變姓名游歐洲。彼得嘗學荷蘭語。故首赴荷蘭。觀散坦造船局。轉至俺特坦。爲木匠。入造船廠與諸工人同勞作。求工錢。兼講地理、法律、政治諸學。航海行英國。入海軍武庫。檢其法制。修器械學。後又歸俺特坦。聘荷英數十人。先送本國。乃去荷蘭過普魯士。至維也納。遂欲如意大利。親兵益不服彼得。謂爲皆謂開外人謀我之源也。將復作亂。立索希亞爲君。彼得聞之。携工師數人馳歸。總兵官鄂爾盾業已擊破叛人。親兵死者三百餘人。餘皆請降就虜。彼得乃幽索希亞。盡捕叛黨二千人。繫之坑之。或手刃之。命二三貴紳。倣已所爲。亦燬其家爲焦土。餘皆流之西伯利諸所。遂盡廢親兵。論其后歐德克微與叛計。卽亞歷細斯母。禁錮寺觀。其實后不知也。國人戰慄奉令。無敢違者。明年宰相列福多卒。葬以王禮。以綿西果夫代之。綿西果夫有材能。起自走卒。累官至宰輔。人皆服彼得能用人。

彼得既誅叛人。乃大釐革兵制。一以文明諸邦爲則。使國人遵行之。陸軍已修。乃造戰艦。張皇海軍。又欲變國人風俗。盡如諸邦。改其服制。擬匈牙利。除教徒及亞細亞人外。悉剃其髭。興工場耕種。開諸礦。多設立學舍。以教國之選俊秀子弟。遣諸國以觀其禮俗。講其文物。外人抱才藝者。聞之爭趨。俄國自効。尋分全國爲十二州。禁破漁連族。預政廢教。門師父目管教法。

一千七百九年彼得如波蘭與波王丁王會議伐瑞典。明年自將向瑞典。一千七百年與瑞典王甲列第十二戰敗績。還收寺鐘及銅器。鑄大小砲二百四十三門。以備攻守。一千七百三年彼得既併波羅的海之地。創都城于尼汪河。名曰聖彼得堡。其地卑濕。勞力費財。彼得不以爲意。斷而行之。通海道便運輸。兼築炮臺。設造船製作諸廠。既竣。果爲形勝大都。瑞典來侵不止。法蘭西政府贈書瑞典。勸和不聽。曰。吾必至墨斯科與彼得盟。彼得聞之笑曰。甲列欲行亞歷山德之事。如世無大流士河。一千七百九年甲列率兵四萬五千侵波爾多瓦。彼得提精兵七萬邀之。分軍爲三。自將中軍。綿西果夫與波爾張左右翼備之。戰二時。彼得冠留彈丸。綿西果夫馬被銃三次。奮戰不屈。遂大敗。瑞軍甲列遁走。土耳其一千七百十一年甲列勸土帝亞格默德出師。圍彼得于布魯特。數匝彼得危在旦夕。不知計所出。坐臥露幕。禁人出入。下令曰。有入陳者死。蓋不欲示憂懼色于人。其后加他隣與諸將謀。贈書土耳其。以重寶賂之。乞和。既作書。破令入幕中。進說帝。帝從之。乃使其臣西賀非路抵土耳其。障土人曰。全軍而縛降軍門。西賀非路凜然不屈。告之曰。吾主欲曝尸于此。土人料其不可屈。乃許之成。遂得免。

一千七百十六年彼得拉其后加他鄰再遊荷蘭。法蘭西普魯士等諸國抵荷蘭過前所寓之舍。會相識。置酒叙舊。抵法法王饗禮甚渥。會本國上飛變。先是彼得拔馬林堡府得加他鄰爲后。舉一男曰彼得。而太子亞歷細斯傲情與父異。僕祭司等數勸行大事。至此

論太子罪
當死

彼得王

加他
幸加他

潛出宮走日耳曼。僭日帝申列第六。以甲列爲已妻之兄也。彼得歸葬其所往贈書請日帝。日帝送還太子。一千七百十八年。遂廢太子。立彼得爲太子。尋開訟庭。教長及文武大臣莅焉。論亞歷細斯罪。擬以死刑。明日太子暴死獄中。或曰恐怖甚。劇飲而死。或曰鳩殺。或曰斬首。其說不一。太子將死。請一見帝。帝憐之。躬臨視太子。嗚咽深悔。前非云。一千七百二十二年。彼得得自稱皇帝。公告各國。元老院上尊號曰國父。寔中御門。天皇享保七年。端人請和許之。羣與土人伐波斯得數地。一千七百二十五年。卒年五十三。帝一日在刺的牙。見湖船遭難。欲濟之。自投水。遂患熱。命皇后加他鄰爲嗣。及大漸。謂左右曰。人生真可哀也。即日下令大赦。放獄囚罪。至大辟亦釋之。赦畢而絕。皇后侍婢皆哭。百官蟻集臥室。莫不悲號。帝忽蘇。顧左右。須臾而逝。帝性苛酷。常以鷄起。終日聽政。及上燭。始飲火酒。以忘日事。過五更不寐。方其秉醇。視親戚猶讐敵。屢欲危身。常曰。吾能改全國之過。而不能改一身之失。有還已者。輒加鞭撻。雖貴紳無能免。或至鞭皇后。嘗繫人於獄。命其父就而殺之。然勵精圖治。能保人民。欲開鴻業於無涯。內勵文學工藝。外伐四鄰。擴疆宇。以致今日之盛。亦足稱繼世英主矣。帝嘗獨斷立法曰。俄國帝位。不必論血統。宜選才德踰衆者授之。及卒。其后加他隣嗣立。

加他鄰。本貧家女。父母早歿。爲會所養。美而多機智。彼得拔馬林堡俘之。送致莫斯科。後率爲后。常參機務。從在軍中。能以一言矯帝苛性。救人虎口者數。及卽位。觸逋欠。赦有罪。

希彼得第

女帝安那
宜萬

三帝宜萬
女帝依利
薩伯

三帝彼得第

加他隣自
立為帝

實政可觀。而國人以其非正統不服。內寇隨起。加他鄰飲酒無度。在位二年。卒。先是亞細亞東北與亞美理駕士壤相接。與否人莫知者。彼得遺疾之初。嘗欲使人往探。不果。加他隣遣羣舟。交往船主白令。遍覓西伯利大河。後至大拉該海。舟人覓得白令海峽。一千七百四十一年。白令再行至堪察加。又至以來斯山。為北亞美理駕極高之嶺。

加他鄰卒。宰相綿西果夫攝政。是歲故廢太子亞歷細斯子彼得第二即位。竄綿西果夫於西伯牙。一千七百三十年。帝患痘熱甚。遂卒。帝兄宜萬之女安那宜萬嗣立。東拓疆土。至堪察加。與渡斯盟。讓與裏海南境。與奧帝伐土耳其。土人請成許之。帝性善長。有行儀。嘗造冰宮於湖傍。用冰塊代木石百器。點火其中。光輝燦爛。殆如金剛石造成者。是時閔尼克為軍事宰相。阿士的曼為外務宰相。一千七百四十年。帝卒。立女兄子宜萬第三。方周歲。侯巴倫攝政。國中兵諫不服。明年。幽宜萬。立彼得第一。幼女依利薩伯為帝。厘革制度。畫一國體。流滅死之犯於西伯利。令其開礦捕貂。與奧人合約相助。出兵伐日耳曼。始用兵於西歐洲。一千七百六十二年卒。從子彼得第三嗣立。帝初為病斯丁額多布侯。及即位。改革國政。與普人和。仿其國練兵之法。大致軍民教徒等怨。后加他鄰狡猾暴戾。與帝不協。乘民不服。欲奪帝位。密與侯伯將官等謀。遂起兵。是歲七月。自立為帝。曰加他鄰第二。帝屏居彼得宮。大將閔尼克謀奪帝復位。帝優柔不能用其言。自棄大權。就擒。加他隣聞民憫帝。遂弑之。加他隣系非正統。而能使人

人爭爲之用。國威日盛。歐羅巴諸國畏之。加他隣嘗取摩達維。襍拉幾等地。歸俄國版圖。與人昔人欲以力折之。全國殆生亂兆。普主弗勒得力弟顯理立策。謂三分波蘭。各有其一。三國從之。一千七百七十三年。波蘭大亂。擁兵相戰。三國乘之。各發大兵入其國。迫議會強分其地。於是俄人取丟那河東邊及摩皮里。明斯克等地。普人取波美拉尼。大波蘭。西普魯士一部。與人取東加里。細羅多迷里。是歲土人與俄人戰。敗績。明年俄人圍土人於蘇莫刺士。人請和。俄國兵船往來黑海。土人又割黑海近傍諸城與俄。是時有波牙酋者。以容貌肖彼得第三。自稱彼得第三。誘哥薩克族與農民作亂。加他隣嘗下令國人。悉變服。農民不悅此令。往往歸心波牙酋。波牙酋與之約曰。必滅國中貴族。使汝等免奴隸。加他鄰遣大將米塞爾德擊之。波牙酋與官兵戰。屢破之。乘勢進車墨斯科。官兵圍之。殺傷甚多。一千七百七十五年。其黨捕波牙酋獻之。遂處斬。

格勒革理波委均。本爲一騎兵。有戰功。得加他隣寵。遂登相位。專國政。尋兼哥里米及檮里大都督。會土人憤失地。俄國再宣戰。一千七百八十八年。波委均與土人戰。大捷。取阿克撒科。別將蘇瓦樓與奧將約西亞合。亦擊土人。速戰破之。加他鄰遂欲乘勝併其國。一千七百八十九年。土國蘇爾且慕斯達哈第三卒。其子塞黎慕第三嗣。尋奧帝約瑟福卒。子里泊德第二嗣。與兵去俄還國。普人英人皆援土人。加他鄰度力不敵。一千七百九十二年。會摩達維若西以和。遂得和克撒科至地尼清和之地。

加他鄰欲
尋南方
帝波羅

帝亞歷山
德
亞歷出花
沿

加他隣既稱威名於外其內政亦多厘革初會全國代議士議凡立法已執其權議不協乃廢議會擅握立法權又縮諸州疆域每州以四十萬人爲限分一州爲十縣增都府數許其自主又設學校興諸學術設教育官種牛痘纂新律以勵國人脩道路置銀鋪至於教法待之頗寬雖非國教者無禁如耶修的教歐羅巴諸國皆禁之加他隣獨容之不禁又廢豪民獨占商權之法大開通商航海之業濬一大河自北海至波羅的海設官銀肆以資民國政更新幾致刑措立石柱銘功銅造彼得大帝之像論婦德則不免爲兒悍而君德則寔爲出羣

加他鄰嘗欲嫁其孫女於瑞典以爲與國瑞典不聽因欲略南方以擴版圖出兵入波斯不克而歸怏怏不樂罹風疾一千七百九十六年十一月卒年六十七子波羅嗣立波羅爲人剛愎嘗患瘋時發及卽位發其父彼得之墓加其骸以冕旒縱觀三週日使行弑者晝夜待其側卒厚葬之一千八百一年帝訪兒徒所絞殺子亞歷山德嗣立

亞歷山德卽位年二十四寬宏有大度深留心政事下令除宿弊復議院之權赦坐犯國事繫獄者凡百設使皆得其宜唯其初政貸殺先帝者置之不問雖出不得已實爲大累帝修好鄰國以便貿易商業殷盛倍於前日一千八百一年九月併若耳治尼於俄國明年開鑛臺下令懲惰民行乞惠恤貧民罹久病者新興農政造作奇器大開通商設製造所實力田精藝興公益者散私費造大船使人一周地球大興學館務愛撫人民許猶太

教徒保其權利

帝時法帝拿破崙振威歐土帝援奧普二國屢與之戰一千八百七年弗黎蘭之役亡精兵三萬人一千八百十三年拿破崙率精兵五十餘萬寇全國震動帝傳檄四方竭死力報國家會將士議守戰一將進曰徵舉國兵赴戰尙恐不能抗不如出羸兵小戰敵合誘敵內地變人家撤城堡輸糧食與僻土以待其勞彼進無糧可掠退無城可據而乘之以之制勝矣帝從之乃令將士歛鋒獲銳拿破崙入墨斯科街頭無人四望寂然一夜火起全府焦土糧食不給窘甚請和帝在彼得堡不聽其請令國人死戰毋怠拿破崙遂引軍去帝追擊大破之入巴黎斯降之與諸國君主約結神聖會盟威權益熾又嘗略波斯伐土耳其征高加索取瑞典之芬蘭州奪波蘭之哇消自加他鄰至帝拓疆土數千方里增人口一千五百萬立制設屯田養兵百萬以備不虞

一千八百三十五年帝卒弟孔士但丁當嗣立而不欲爲帝次弟尼哥勞第一卽位明年與波斯王亞波士美爾薩爭疆場事擄兵一千八百二十八年俄將巴基微隻與波王會行成大爲俄國利先是希臘叛土耳其起兵俄人以希臘爲同教民故助之與土耳其戰四月巴基微隻率兵入亞細亞連破土軍別將地比都踰巴韓山襲亞得里亞諾伯取之一千八百二十九年兩國會於亞得里亞諾伯約和帝得太臘河諸島又使摩達維德拉幾歸已管轄一千八百三十六年帝陰嗾波斯與英戰於印度欲乘其弊四十五年波蘭

又板討平之立爲省。一千八百五十一年建東白喀爾省。相基塔地爲省城。甲克圖爲互市場。當時帝聲威及印度之北。中國之西。自西伯利踰太平洋。互北亞美理駕。

一千八百三十九年土耳其蘇爾但亞伯達墨日德即位。越十四年帝遣使謂之曰。凡希臘教民在貴國者請歸得我轄。土人謂失獨立權。不允。帝發兵據摩達維。拉幾。英法二國欲居間調停。率兵船入黑海以調之。帝大怒。遂與二國絕。一千八百五十四年法帝拿破崙致手書議和。帝答書極驕。二國人怒。決意合從。向帝宣戰。土人以阿馬巴沙爲大將。與俄老將巴基微隻戰破之。高茶畢代將俄軍發兵船進攻土國西諾比之水寨。英水師提督那比爾與法海軍共入波羅的海。英艦四十二隻。載大砲二千二百。水夫海兵共二萬二千。法艦二十三隻。載大砲一千二百五十。兵士稱之。四月攻俄之海口阿得塞。壞其壘。火武庫。是時英艦巡各處。捕俄商船四十一隻。獲瀝青松脂諸物數萬櫃。俄兵攻土之西里斯的壘。久之不拔。疾疫大行。英法海軍將救西里斯的。俄兵解圍去。八月英法兩軍攻俄之保馬孫城。劇戰四日。俄將力屈。以兵士二千餘。大砲一百八十出降。是日土人與俄人戰於亞細亞地方。土兵不利。死傷及爲虜者三千許人。九月法將亞爾諾。英將拉格蘭各率兵攻黑海之哥里米。進抵亞爾馬。俄兵據險拒之。兩國軍奮戰奪其地。俄兵死傷數千。英法兩軍半之。是月亞爾諾罹痧病死。干羅個爾代將其軍。十月英法軍始攻西巴士多卜城。俄人沈大艦七隻。阻敵艦出入。堅如鐵城。英兵攻之。全軍殆歿。會法軍來援。餘

衆僅免。十月戰於巴拉加辣瓶。十一月五日又戰於應格曼。英兵八千。法兵六千。以支俄五萬衆。六時遂擊退之。俄兵死傷一萬五千。適英法陣中痧病大行。拉格蘭亦病歿。深布孫哥德林登相繼將其軍。十三日黑海颶風起。拔樹倒屋。英法兵艦覆沒者十餘隻。死者一千許人。失貨物數百萬磅。加以大雪寒氣極烈。英軍輜重醫藥不給。兵士露臥罹病。無復治術。負創不包至數日。無復憤怨態。本國聞之。募金幣一百餘萬磅。以供救恤之用。遣教士及婦女各數十人看護。一千八百五十五年二月。各國公使與俄人會於維也納。議罷兵。不協而去。三月帝卒。先是帝染時疾。力病簡閱親軍。病漸劇。及聞敗報。憤懣暴卒。子亞歷山德第二嗣。五月撤丁將德拉馬摩拉。以兵一萬五千與英法軍合。撤丁王維多爾以馬努利素唱民權。欲收人心。故結二國以討俄帝之擅制也。於是英法撤士四國兵會哥里米者二十五萬。以大砲數百攻西巴斯多卜城。俄將篤多勒便鼓勇拒戰。二十四日法英士三國軍入亞速海。破燬俄船二百五十隻。六月諸軍進攻俄壘。英法二軍死傷數千。法人死者最多。俄兵死傷亦可五千。是月英將拉格蘭歿於軍中。深布孫代之。八月俄將高茶卑攻智爾那牙營。法撤兵拒戰却之。俄人死傷五六千。法撤軍不過其五之一。俄軍氣大沮。九月八日諸國軍相合大戰西巴斯多卜南郭。遂破俄人。俄人乘夜放火棄城而遁。諸國軍獲兵糧彈藥無算。英軍死者三百餘。法軍一千四百餘。俄軍倍法軍。十月十七日諸國軍攻地尼伯河口。金木三營悉降之。明日俄人縱火病茶各弗岩。九月俄人